



Mehn kaweid ohng me pidada aplikeisin ohng Pacific Engagement Visa (PEV):

la mwomwen rapahki oh aplai doadoahk nan Internet

Mehn kaweid wet pahn sewese me wia aplikeisin ohng PEV kilangada doadoahk nan Australia, aplai ohng pwukoah kan, oh lokaiahng wasahn doadoahk kan.

Pilan en repen doadoahk

Pilahn en repen doadoahk me kehlail kin kahreda ke soan, inangih, oh kalaudehla ahmw katiala en rapahkida doadoahk me mwahu. Me wia aplikeisin kan anahne:

Wia repen doadoahk pwukoah doadoahk ehu

rapahki doadoahk kak apwal. Koasonehdi ni mehleh, kin nantieng, dehr pwangada oh kanengamah

Wiada koasoandi en rahn koaros

Kin koasonehdi ansou nan ehu week ohng repen doadoahk

Wiada koasoandi me konehng

Ni karasepe, ke kak aplai ohng doadoahk 3-5 rahn ehu, de wia awa 3-4 ohng kemwekid en repen doadoahk nan rah nehu de wihk ehu

Kilelehdi rekerd en ahmw repen doadaohk

Intingihdi ehu ehu doadoahk me ke aplai ohng. langahki eden kompani, daidel en doadoahk, oh wasa nan website nan Internet oh rahn me ke aplai. Met pahn seweseiuk wia koasoandi soan.



Tuhweng kaun en pwihn en alehda tohn doadoahk

Tuhweng kaun en pwihnen alehda tohn doadoahk, ni delepwohn de email, kak seweseiuk wiada piris ohng kakelaka wehwepene. E kesemwpwal ken:

Wia roprop ohng kompani

Kilangada mengihtik en kapehse ni wasahn doadoahk nan an kompani website. Mengihtik en pwihn en repen tohn doadoahk kin kalapw iang mih ni imwein arail pakair en doadoahk

Pein tuhweng irail

Kapehse ihs kowe ohng wasahn doadoahk. Ke kak idek iahn rahn en tep, mwomwen alehda tohn doadoahk, de inda me ke iang aplai ohng ehu Doaropwehn Visa ohng Towe Mehleh (Permanent Resident, PR), iei PEV, oh ke inangih pwukoahu. Met kak kasalehda ahmw doadoahk mwahu oh kin sawas wiada piris ohng kakehlaka wehwepene

Pwurehng tehkada aplikeisin

Nan Australia, ekin wiawi ohng soun repen doadoahk en kak tuong wasahn doadoahk mwurin aplai ohng pwukoah. Ke kak kadarala ehu pwuloi ni wahu de delepwohn pwehn idek ia mwomwen noumw aplikeisin.

Ia mwomwen diarada mengihtik en kapehse ohng wasahn doadoahk

- Nan pakair en doadoahk, tehk mah mie mengihtik iang ohng soun repen tohn doadoahk de kaun en alehda tohn doadoahk
- Mah ihte eden kompani me mie, ke kak mwein diarada ekei mengihtik ni:
 - An kompani website – kilang wasa me ‘Careers’ (Doadoahk kan) de ‘About Us’ (Duwen Kiht) wasa me mengihtik en soun apwalih tohn doadoahk (human resources) de pwihn en alehda tohn doadoahk kak mihe. Ke kak pil diar ehu teh en ‘Contact’ (Mehn Kapehse) me mie ehu nempehn depewohn de adires en email me ke kak idek ohng mengihtik en kaun en alehda tohn doadoahk
 - Wasa LinkedIn – rapahki en kompani teh oh tehkada tohn doadoahk kan. Rapahki soun apwalih tohn doadoahk, alehda tohn doadoahk, de kaun en alehda tohn doadoahk.

Mah ke sohte kak diar mengihtik en kapehse ohng wasahn doadoahk, kedehpa pwangada. Ke kak aplai ohng pwukoah ni ahmw pahn doadoahngki ehu rahnmwahu me konehng ni mwomwen doadoahk, me duwehte “Dear Hiring Manager” (Maing Kaun en Pwihnen Alehda Tohn Doadoahk) de “To the Recruitment Team” (Ohng Pwihn en Alehda Tohn Doadoahk). Insenohki inda eden kompani nan amw kapehse pwehn keing noumw aplikeisin mwomwen inenlahr irail oh ni mwomwen doadoahk mwahu.

Oaralap en wasahn pakairki wasahn doadoahk nan Australia

Mie ekei wasa me likilik en pakairki doadoahk nan Australia me kin kak seweseiuk rapahkida wasahn doadoahk oh aplai ni koapwoaroapwoar. Irekidi pah iei ekei website kan me kalapw doadoahk.

Kaweid en doadoahngki wasahn pakair en doadoahk ni pwung

Doadoahngki arail wasahn pakair en doadoahk kin kak kamwotehla ahmw ansou en repen pwe ken de katiasang ekei ansou mwahu. Kaweid pwukat pahn seweseiuk rapahki oh kalaudehla ahmw ansou mwahu en diarada doadoahk me pwung en uhk.

- Audehda wasahn mengihtik ohng kowe nan Internet pwehn wia kamegei ohng wasahn doadoahk en diar uhk
- Wiada pakair ohng doadoahk kan me duwehte ahmw koaiek oh wasa
- Doadoahngki lepin lokaia me rasohng ahmw koahiek oh mehnia doadoahk me ke pwungki

- Kedeh sapengte ehute wasahn pakairki doadoahk. Ekeite wasahn doadoahk kan kin doadoahngki website me wekpeseng
- Tehkada koaros wasahn pakair me laud pak dir, pwehki doadoah kapw kin pakair rahn koaros
- Mah ke raprapahki doadoahk nan pwihn ehu, tehkada wasahn pakair ohng soangen pwihn en doadoahk.

SEEK ([seek.com.au](https://www.seek.com.au))

- Nein Australia website me wia wasahn repen doadoahk nan Internet me keieuhn laud, kin iangahki irekidi en doadoahk kid samwa
- Ke kak kihda noumw doaropwehn kadehde sukuhl oh doadoahk, wiada kapesehn pakair, oh kilang kaweid ohng pweipwei oh roprop en kompani kan.

Indeed Australia ([indeed.com.au](https://www.indeed.com.au))

- Ehu website nan sampah me diren irekidi ohng Australia
- Alepene doadoahk kan sang website en kompani kan oh ekei wasahn pakairki doadoahk
- Kin kihda ekei repen doadoahk me mengei.

Australian JobSearch ([jobsearch.gov.au](https://www.jobsearch.gov.au))

- Ihme wia nein koapworoment website ohng doadoahk
- Sohte isepe pwehn doadoahngki
- Iangahki doadoahk me kin apwte tepda oh doadoahk en kasukuhl.

LinkedIn ([linkedin.com](https://www.linkedin.com))

- Ehu website nan sampah me iangahki ehu lapalahn wasahn pakair en doadoahk
- Doadoahk kan kin kohda sang wasahn doadoahk oh pwihn en repen tohn doadoahk
- Ke kak kihda noumw mengihtik pwehn kasalehda ahmw koaiek oh doadoahk kan, oh tuong ekei wasahn doadoahk.



Tuhweng PEV Sahpis en Sawas ohng Doadoahk

PEV Sahpis en Sawas ohng Doadoahk kin mie pwehn:

- Seweseiuk nan ahmw repen doadoahk
- Seweseiuk pwehn lokaiahng wasahn doadoahk ni koapwoaroapwor
- Kamehlele mah ahmw doadoahk me kohda pwehn tehkada mah e idawehn dahme mih nan visa
- Lokaiahng wasahn doadoahk wia weliepemw ohng rahn en tepda oh mengihtik en doaropwehn inoun doadoahk kan
- Kieng uhk sawas kan pwehn seweseiuk kaunopada doadoahk nan Australia.



Diarada ekei mengihtik ohng PEV Sahpis en Sawas ohng Doadoahk ni pev.gov.au

Nan aht website nan Internet, ke kak rapahki ekei sawas, iangahki doaropwehn mengihtik kan ohng doadoahk. Ke kak pil kileledi ohng Tuhpenehn Mengihtik ohng Wasahn Doadoahk pwehn esehla ekei mwohmw en rapahkida doadoahk nan Australia.

